



Պ Ա Շ Տ Ո Ն Ա Կ Ա Ն Ք

**Փրկիչի ՀՐԱՇԱՓԱՌ ՀԱՐՈՒԹՅԱՆ ՏՈՆԻ ԱՌԹԻՎ
ԱՄԵՆԱՅՆ ՀԱՅՈՑ ՍՐԲԱԶՆԱԳՈՒՅՆ ԿԱՌԱՂԻԿՈՍ
ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ԳԵՈՐԳ Զ.Ի ԱՆՈՒՆՈՎ
ՍՏԱՅՎԱԾ ՇՆՈՐՀԱՎՈՐԱԿԱՆ ՀԵՌԱԳՐԵՐ
ԵՎ ԳՐՈՒԹՅՈՒՆՆԵՐ**

ԿՈՍՏԱՆԴՆՈՒՊՈԼՍԻՑ

Ընդունեցե՛ք մեր և մեր ժողովրդի հոգևոր զավակաց և պաշտոնական մարմնաց զատկական շնորհավորանքն ու սրտագին մաղբանքը Վեհիդ փառալուծության, արեշատության, Մայր Աթոռի անասանության համար:

ԳԱՐԵԳԻՆ, ՊԱՏՐԻԱՐԿ

ԵՐՈՒՍԱԿԵՄԻՑ

Սուրբ Հակոբի միաբանության և ամբողջ հոգևորականության անունից մատուցանում ենք զատկական շնորհավորանք, ցանկանում ենք Ձերդ Վեհափառության երջանիկ կյանք, արեշատություն եկեղեցուն, Հայրենիքին և սիրելի ժողովրդին:

ՊԱՏՐԻԱՐԿԱԿԱՆ ՏԵՂԱՊԱՀ՝

ԵՂԻՇԵ ԱՐՔԵՊԻՍԿՈՊՈՍ ՏԵՐՏԵՐՅԱՆ

ԵՐԵՎԱՆԻՑ

Շնորհավորելով Զատիկի տոներ ցանկանում ենք Ձերդ Վեհափառությանը երկար կյանք:

ՄԱՅՐԱՔԱՂԱՔԻ ԵԿԵՂԵՑԱԿԱՆ ՎԱՐՉՈՒԹՅՈՒՆ

ԹԲԻԼԻՍԻՑ

Վրաստանի բեմի բեմական խորհուրդը և հավատացյալները Զատիկի տոների առթիվ անկեղծորեն ցանկանում են Ձերդ Սրբությանը երկա՛ր երկա՛ր տարիների կյանք և առողջություն՝ ի բարօրություն հայ հավատացյալ ժողովրդի:

ԹԵՄԱԿԱՆ ԽՈՐՀՈՒՐԴ

ԿԱՀԻՐԵԻՑ

Մեր և եգիպտոսի հայերի անունից խնդրում ենք Ձերդ վեհափառությանը՝
ընդունել մեր սրտաբուխ մաղրանքները Ձառկի տոնի առթիվ:

ՄԱՄԱՐԻՆ ԱՐՔԵՊԻՍԿՈՊՈՍ ՍԻՐՈՒՆՅԱՆ

ՓԱՐԻՋԻՑ

Ձառկի տոների առթիվ խնդրում ենք ընդունեցե՛ք մեր շնորհավորություն-
ները, վառ ցանկություններն ու մեծաբանքը:

Եկեղեցական վարչության նախագահ՝
ԿՈՏՅԱՆ

ԼՆՆԻԱԿԱՆԻՑ

Շնորհավորում ենք Ձերդ Սրբության Քրիստոսի Հարության մեծ տոնի
առթիվ և մաղթում ենք արեւատություն, հոգևոր բարձր գործունեության աս-
պարհգում երջանիկ և հաջող կյանք՝ ի բարօրություն հայ ժողովրդի և եկե-
ղեցիների:

Համբուրում ենք Ձեր Սուրբ Աջը:

ԹԵՄԱԿԱՆ ԽՈՐՀՈՒՐԴ
ԳԱՐԵԳԻՆ ՄԱՅՐԱԳՈՒՅՆ ՎԱՐԴԱՊԵՏ

ԱԹԵՆՔԻՑ

Քրիստոսի հրաշափառ Սուրբ Հարության տոնի առթիվ խոնարհաբար
կուգամք մատուցանելու Ձերդ վեհափառության և Գերագույն Հոգևոր Խորհուր-
դին՝ գաղութի հոգևորական դասուն, ազգային իշխանության և համայն ժո-
ղովուրդին շնորհավորանքները:

ՀԱՅՐ ՆԵՐՍԵՍ ԽՈՇՈՐՅԱՆ

ՔԱՔՎԻՑ

Ձեր սիրեցյալ հոտը, եկեղեցականները և բեմական-եկեղեցական խոր-
հուրդը շնորհավորում են Ձերդ Սրբությանը՝ Սուրբ Փրկչի Հարության օրվա
առթիվ:

Աղոթում ենք Ամենակալին՝ շնորհելու Ձերդ Սրբությանը երկար կյանք և
առողջություն՝ ի բարօրություն Հայաստանյայց Սուրբ եկեղեցու:

ՎԱՐԴԳԵՍ ԱՎԱԳ ՔԱՀԱՆԱ

ԹԱՎՐԻՋԻՑ

Փրկչի հրաշափառ Հարության տոնի առթիվ բեմական ժողովի, բեմական
խորհրդի, ֆանանայից դասի և համայն հավատացյալ ժողովրդի հետ միասին,
խոնարհությամբ համբուրում ենք Վեհիդ Սուրբ Աջը և աղոթում ենք Արարչին,
որ պարգևի Վեհիդ արեւատություն և երկար կյանք:

Մ. Ուսշնորհական տեղապահ՝
ԿԱՐԱՊԵՏ ԱՎԱԳ ՔԱՀԱՆԱ

ԲԱՂԴԱԴԻՑ

Ամբողջ թեմի կողմից շնորհավորում ենք Սուրբ Զատիկը, ցանկանում ենք Ձեզ առողջություն, արեւաշատություն:

ՏԵՐ-ՀԱԿՈԲՅԱՆ

ԲՈՒԽԱՐԵՍՏԻՑ

Հանուն ումինանայ բարեպաշտ, հայրենասեր ժողովրդին, որդիական ջերմ սիրով մաղթում ենք Ձերդ Վեհափառության արեւաշատություն, առողջ, երջանիկ հովվապետությամբ, վերածնած ծաղկյալ Մայր Հայրենիքի կենսատու արևի տակ: «Քրիստոս յարեալ ի մեռելոց»:

ՎԱԶԳԵՆ ԵՊԻՍԿՈՊՈՍ

ԹԵՀՐԱՆԻՑ

Շնորհավորում ենք Փրկչի Հարության տոնը, համբուրում ենք Ձեր Սուրբ Աջը ցանկանալով արեւաշատություն և երջանիկ օրեր:

ԹԵՄԱԿԱՆ ԽՈՐՀՈՒՐԴ
ԵԿԵՂԵՑԱԿԱՆ ՎԱՐՉՈՒԹՅՈՒՆ

ՌՈՍՏՈՎԻՑ

Թեմական-եկեղեցական խորհուրդը և հավատացյալները շնորհավորում են Ձերդ Սրբությանը և վաճիքի միաբանությանը Զատիկի սուրբ տոնի առթիվ: «Քրիստոս յարեալ ի մեռելոց»: Ցանկանում ենք Ձեզ մեծ հաջողություն՝ ընդհանուրին ցանկալի խաղաղության համար Ձեր ջանքերի հաջողության գործում:

ՍՈՒՐԵՆ ԵՊԻՍԿՈՊՈՍ

ՆՅՈՒՅՈՐՔԻՑ

Հայտնում եմ իմ որդիական երախտագիտությունը արքայան պատվին համար՝ շնորհված անարժանիս Ձեր 20 մայիսի 1951 թվի № 429 կոնդակով: Մշտական ջանքս է Մայր Աթոռին և Ձեզ կատարյալ հավատարմությամբ ծառայել Աստուծո, Եկեղեցվո և Ժողովրդին: Ի սրտե աղոթում եմ Ձեր առողջության և արեւաշատության համար: Ընդունեցե՛ք մեր թեմի հոգևորականաց, հոռին և իմ որդիական զատկական շնորհավորանքները և սրտագին մաղթանքները:

ՏԻՐԱՆ ԱՐՔԵՊԻՍԿՈՊՈՍ

ՆՅՈՒՅՈՐՔԻՑ

Վ Ե Ն Փ ա ղ ա՛ն Տ Ե Ր.

Հրաշափառ Սուրբ Հարության տոներուն առթիվ կխնդրեմ, որ բարեհաճիք ընդունիլ սրտագին շնորհավորություններս և որդիական բարեմաղթություններս Ձերդ Վեհափառության բանկագին արեւաշատության համար: Բարձրյալն

Աստված անասան պահե Հայաստանյայց մեր Սուրբ Եկեղեցին և անոր արժանքնաբեր Գահակալը, ի պարծանս ազգիս հայոց և մեր սիրելի Հայրենիքին:

Մատչելով ի համբույր Սրբազնասուրբ Աշույղ՝ մնամ Վեհափառ Հայրապետիդ խոնարհ որդի՝

ՄԱՍԲԵՐԵ ԱՐՔԵՊԻՍԿՈՊՈՍ

ԿՈՍՏԱՆԴՆՈՒՊՈԼՍԻՑ

Աստվածարյալ Վեհափառ Տեր.

Տյառն մերո հրաշափառ Սուրբ Հարության տոնը որդիական ակնածանքով կշնորհավորեմ Ձերդ Վեհափառության և կխնդրեմ, որ բարեհաճիք ընդունիլ տրույիս սրտագին բարեմաղթություններ՝ ազգիս մեծագործ ընդհանրական Հայրապետիդ բանկագին կենաց երկարության, փառապանծ գահուն անասանության համար:

Նույն շնորհ բարեմաղթությունները կկրկնե իմ միջոցով (զի գրելու անկարող է) տեր Հովսեփ սրբազան իր Վեհափառ և պաշտելի հոգեծնողին, աղբյուրով, որ աղոթեք իրեն համար, երբ տարիներ տևող ու շարունակվող իր ֆիզիկական չարչարանքներուն տոկալու կարողություն չէ մնացած վրան. և եթե ցարդ համբերած ու տարած է անհանդուրժելի այդ տանջանքները, այդ եղած է միայն շնորհիվ իր հավատքին ամրության և հոգեկան արիության, որ հիացում կպատճառե զինքը դարմանող բժշկական դասուն և բոլոր այցելուներուն: Շատ փորձեց անձամբ գրելու գոնե ֆանի մը տող, սակայն չհաջողեցավ անկողնո անշարժության մեջ, և հուզված ու լալագին ինձի հանձնարարեց այդ պարտականության կատարումը: Երկյուղածությամբ կմատչի Ձերդ Վեհափառության Սուրբ Աշույն:

Երկոխին հարազատք Մայր Աթոռո, ինչպես նաև մեր ընտանիքի բոլոր մեծ ու փոքր անդամները տիվ և գիշեր կաղոթեմք Ազգին և Եկեղեցիին փառին ու պարծանքին, Վեհափառ Հայրապետիդ արևշատության և Ձեր բոլոր հայրենանվեր ձեռնարկներուն հաջողությամբ պսակումին համար:

Հարուցյալ Փրկիչը շնորհե աշխարհի խաղաղություն, պետությանց հաշտություն, ազգերու եղբայրություն և Հայաստանյայց Եկեղեցվո ամուր միասնականություն, որուն հեղինակն ու գործադիր վերին իշխանավորն է Ձերդ Սուրբ Օծությունը:

Մատչելով ի համբույր Սուրբ Աշո Օծյալ Վեհիդ՝ կամ և կմնամ հավատարիմ ծառա և հարազատ որդի՝

ԳՐԻԳՈՐ ԵՊԻՍԿՈՊՈՍ

**ՓՐԿՁԻ ՀՐԱՇԱՓԱՌ ՀԱՐՈՒԹՅԱՆ ՏՈՒՆ ԱՌԹԻՎ
ԱՄԵՆԱՅՆ ՀԱՅՈՑ ՍՐԲԱԶՆԱԳՈՒՅՆ ԿԱԹՈՂԻԿՈՍ
ՆՈՐԻՆ Ս. ՕՏՈՒԹՅՈՒՆ Տ. Տ. ԳԵՈՐԳ Զ.Ի ԱՆՈՒՆՈՎ
ԴՈՒՅՐ ԵԿԵՂԵՑԻՆԵՐԻՑ ՍՏԱՑՎԱԾ ՇՆՈՐՀԱՎՈՐԱԿԱՆ
ՀԵՌԱԳՐԵՐ ԵՎ ԳՐՈՒԹՅՈՒՆՆԵՐ**

ՄՈՍԿՎԱՅԻՑ

Ձերդ վեհափառություն, Ձերդ Սրբություն և սիրեցյալ ի Տեր մեր Քրիստոս.

«Քրիստոս յարեալ»:

Օրհնյալ է Տերը և Փրկիչը մեր, որ լուսավորել է մեզ իր կենսաբույս դա-
գաղից բարեշնորհ ուրախությամբ և հաստատել է այն մեզ համար իր հաճու-
թյամբ թե՛ «հրճուցարար»:

Թող ապրի մեր շրջապատում և մեր մեջ այդ հրճանքը և թող փաղցրացնի
մեզ իր լույսով՝ մեր փոխադարձ հարաբերությունների մեջ:

Ողջունում ենք Ձեզ հարուցյալ Տիրոջ այդ հրճանքով, որ պարզեցել է մեզ
շնորհալի հարության հույսը:

Թող Տիրոջ հրճանքն ուժ տա Ձեզ՝ շարունակելու Սուրբ Եկեղեցուն Ձեր
բարձր ծառայությունը՝ ի բազմապատկումն Ձեր բարեշնորհ պարզեցների և
հոտի արդյունավետության: «Քրիստոս յարեալ ի մեռելոց»: Եղբայրական սի-
րով դեպի Ձեզ ի Տեր՝

ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՊԱՏՐԻԱՐԺ՝

ԱԼԵԿՍԻ

ԼՈՆԴՈՆԻՑ

Ձերդ Սրբություն, սիրեցյալ եղբայր ի Տեր,

«Քրիստոս յարուցեալ է ի մեռելոց. այսուհետև ոչ մեռանի, և
մահ հմա ոչ ևս տիրէ»:

(ՀՌՈՎՄ. Զ. 9)

Մի անգամ ևս ֆրիստոնեական գիտության ուրախությունը ներթափան-
ցում է մեզի աշխարհի խավարը և փաղափան բշտամության և ատելության
աշխարհում գտնվող ֆրիստոնյաներին հաստատում խաղաղության մեջ: Հա-
րության լույսն աղբերանալով Տիրոջ թափուր գերեզմանից՝ ուր դրվել էր Նրա
հարմիրը, բոլոր ֆրիստոնյա ժողովուրդների հոգիները լցնում է իր աստվա-
նային լուսավորությամբ: «Ուր է, մահ, յաղթութիւն քո, ուր է, դժոխք, խա-
րոց քո» (Ա. Կորնթ. ԺԵ 55):

Հարության՝ ավելի քան մի ուրիշ որևէ ֆրիստոնեական տոնին՝ բոլոր
ֆրիստոնյաները պետք է միացած լինեն, ավելի կարևոր և հիմնական հարցե-
րում, քան այն հարցերը, որոնք բաժանում են նրանց: Ապահովաբար, մեր
բաժանումները հեշտությամբ կամ թեթևությամբ կարելի չէ հաղթահարել,
բայց, սիրելի՛ եղբայր, մեզ բոլորիս համար այս անպատմելի ուրախության
օրում, մենք բոլորս կանգնած ենք Սուրբ Գերեզմանի շուրջ Աստուծո բոլոր

հրեշտակների հետ և «յոգիս արդարոց կատարելոց» (Եբր. ԺԲ 23) և «ժողովուրդ բազում որոց ոչ գոյր թիւ, յամենայն ազգաց և յամենայն լեզուաց և յամենայն ժողովրդոց» (Հայտնք. Ե 9):

«Այսօր է գոր արար Տէր, եկայք ցնծացուիք և ուրախ եղիցուիք ի սմա» (Սղմ. ՃԺԸ 24): Ողջունում եմ Ձեզ, սիրելի՛ եղբայր, սուրբ սիրո համբույրով և ուղարկում եմ իմ ամենաջերմ եղբայրական հարգանքներն ի Քրիստոս Ձեզ, Ձեր հոգևորականության և Ձեր հավատացյալ ժողովրդին:

Աղոթելով որ Աստուծո օրհնությունը անպակաս լինի Ձեր վրայից և Տերը Ձերդ Սրբության պարզևի երկար տարիներ, մեամ Ձեր անկեղծ և սիրող եղբայր ի Տեր՝

ԱՌԱՋՆՈՐԴ ԵՎ ՄԻՏՐՈՊՈԼԻՏ ՀՍՄԱՅՆ ԱՆԳԼԻՈ՝
ԱՐՔԵՊԻՍԿՈՊՈՍ ՋԵՈՖՖՐԻ

ՌԻԳԱՅԻՑ

Խնդրում եմ ընդունել իմ սրտագին ողջույնները Ձերդ Սրբությանը և Ձեր աշխատակիցներին՝ Քրիստոսի Հարության սուրբ տոնի առթիվ: Խաղաղություն, առողջություն և ուրախություն Ձեզ:

Լատվիայի Մ.վեռարանական-Լուտերական
Եկեղեցու արքեպիսկոպոս՝
ԳՈՒՍՏԱՎ ՏՈՒՐՍ

ՄՈՍԿՎԱՅԻՑ

Որդիական սիրով ազդարարում եմ Ձերդ Սրբության ցնծալի «Քրիստոս յարեալ»:

ՄԻՏՐՈՊՈԼԻՏ ՆԻԿՈԼԱՑ

